

**ԱՐՏԱԴՐԱԿԱՆ ԿՏԱՆԳԱՎՈՐ ՕԲՅԵԿՏՆԵՐԻ ՓՈՐՁԱՔՆՆՈՒԹՅԱՆ ՊԱՅՄԱՆԱԳԻՐ N 209**

« 04 » 12. 2025 թ.

ք. Երևան

ՀՀ Առողջապահության նախարարության Պետական առողջապահական գործակալություն, ի դեմս գլխ. քարտուղար՝ տիկին Վ. Գրիգորյանին (այսուհետ՝ Պատվիրատու), որը գործում է կանոնադրության հիման վրա մի կողմից, և «Տեխնիկական անվտանգության փորձագիտական կենտրոն» ՍՊԸ ն. ի դեմս տնօրեն՝ Ա. Հակոբյանի (այսուհետ՝ Կատարող), որը գործում է կանոնադրության հիման վրա, մյուս կողմից կնքեցին սույն Պայմանագիրը հետևյալի մասին.

**I. ՊԱՅՄԱՆԱԳՐԻ ԱՌԱՐԿԱՆ**

1.1. Սույն Պայմանագրով Կատարողը պարտավորվում է իրականացնել տեխնիկական անվտանգության փորձաքննություն (այսուհետ՝ Ծառայություն) և տալ փորձագիտական եզրակացություն՝ Պատվիրատուի կողմից շահագործվող հետևյալ

N	Օբյեկտի անվանումը	Օբյեկտի գտնվելու վայրը	Փորձաքնն անվ.	ԱՎՕ-ի N	Տվյալներ	Գործարանային N	Քանակը	Արժեքը ընդամենը (դրամ)	Փորձագետ
1.	կաթսայատուն	Ք. Երևան Գ. Հովսեփյան 10	Տեխանվտանգ.	3/1-0315	100 կվտ	807077 807068	1	96820	Վ. Լուրդյան
<b>ԸՆԴԱՄԵՆԸ</b>							1	96820	

արտադրական վտանգավոր օբյեկտ(ներ)ի (այսուհետ՝ ԱՎՕ) կամ շահագործվող ԱՎՕ-ի նախագծային փաստաթղթերի, տեխնիկական անվտանգության վկայագրի, շահագործման համար նախապատրաստվող ԱՎՕ-ի նախագծային փաստաթղթերի վերաբերյալ, իսկ Պատվիրատուն պարտավորվում է վճարել այդ ծառայության համար:

1.2. Կատարողն իր որոշմամբ նշանակում է սույն Պայմանագրի 1.1. կետով սահմանված Ծառայության մատուցումն ապահովող փորձագետ կամ փորձագիտական խումբ (այսուհետ՝ Փորձագետ), որը պատասխանատվություն է կրում իր կողմից տրված եզրակացության հավաստիության համար:

1.3. Կատարողը Ծառայության մատուցումը սկսում է սույն Պայմանագրի 3.1. կետով սահմանված գումարը 3.2. կետով սահմանված կարգով իր հաշվարկային հաշվին մուտքագրվելուց հետո և Ծառայության մատուցումն ավարտում է գումարը ստանալու պահից սկսած՝ <<5>> աշխատանքային օրվա ընթացքում:

1.4. Ծառայության իրականացման դիմաց վճարի չափը, վճարման կարգը և ձևը որոշվում են սույն Պայմանագրով և չեն կարող կախվածության մեջ դրվել Պատվիրատուի այնպիսի պահանջներից, որոնք կարող են ազդել Ծառայության իրականացման արդյունքում Պատվիրատուին տրամադրվող եզրակացության բովանդակության վրա:

1.5. Ծառայության իրականացումը Կատարողի կողմից ավարտված, իսկ սույն Պայմանագիրը կատարված է համարվում փորձագիտական եզրակացությունն ու հաշիվ ապրանքագիրը Պատվիրատուին ներկայացնելու պահից:

**II. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

2.1. Կատարողը պարտավոր է՝  
2.1.1. Ծառայությունը մատուցել տեխնիկական անվտանգության ոլորտի օրենսդրությանը համապատասխան՝ պատշաճ որակով, Պայմանագրով սահմանված ժամկետում:

2.1.2. Ծառայության մատուցման ավարտից հետո եզրակացության մեկ օրինակը հանձնել Պատվիրատուին:

2.1.3. Հսկողության իրականացման ընթացքում ապահովել իր աշխատակիցների (փորձագետների) կողմից ստացված ցանկացած տեղեկատվության գաղտնիության պահպանումը՝ հաշվի առնելով Հայաստանի Հանրապետության օրենսդրության պահանջները:

2.2. Կատարողն իրավունք ունի՝

2.2.1. Ծառայության մատուցման ընթացքում պահանջել «Տեխնիկական անվտանգության ապահովման պետական կարգավորման մասին» ՀՀ օրենքի 19-րդ հոդվածի 1-ին մասի «բ» կետով նախատեսված Պատվիրատուի տեխնիկական անվտանգության ծառայությանն առնչվող փաստաթղթերը (իրամաններ, պայմանագրեր և այլն):

2.2.2. Սույն Պայմանագրով սահմանված ժամկետի ընթացքում անարգել մուտք գործել սույն Պայմանագրի 1.1. կետում թվարկված օբյեկտ(ներ)ի գտնվելու վայրի տարածք, շենքեր, շինություններ:

2.3. Պատվիրատուն պարտավոր է՝

2.3.1. Ծառայության մատուցման համար Կատարողին վճարել սույն պայմանագրի 3.1. կետում նշված գնին համապատասխան գումար՝ 3.2. կետով սահմանված ժամկետի ընթացքում:

2.3.2. Ծառայության մատուցման ընթացքում Փորձագետին տրամադրել սույն Պայմանագրի 2.2.1. կետով սահմանված պահանջվող փաստաթղթերը:

2.3.3. Ծառայության մատուցման ընթացքում Փորձագետին թույլատրել անարգել մուտք գործել սույն Պայմանագրի 1.1. կետում թվարկված օբյեկտ(ներ)ի գտնվելու վայրի տարածք, շենքեր, շինություններ:

2.4. Պատվիրատուն իրավունք ունի՝

2.4.1. Ծառայության մատուցման ընթացքում, Ծառայության մատուցմանը մասնակից դարձնել՝ «Տեխնիկական անվտանգության ապահովման պետական կարգավորման մասին» ՀՀ օրենքի 19-րդ հոդվածի 1-ին մասի «բ» կետով նախատեսված իր տեխնիկական անվտանգության ծառայությանը:

**III. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1. Սույն Պայմանագրի գինը կազմում է՝ 96820/ իննսուն վեց հազար ութ հարյուր քսան / դրամ, այդ թվում Ծառայության մատուցման արժեքը՝ 80683 դրամ, ԱԱՀ-ն՝ 16137 դրամ:

3.2. Պատվիրատուն սույն Պայմանագրի 3.1. կետով սահմանված գումարը վճարում է Կատարողի հաշվարկային հաշվին փոխանցելու միջոցով՝ Պայմանագիրը կնքելուց հետո հինգ (5) աշխատանքային օրվա ընթացքում:

3.3. Պատվիրատուի կողմից սույն Պայմանագրի 3.1. կետով սահմանված գումարը սույն Պայմանագիրը կնքելուց հետո երեք ամսվա ընթացքում չվճարելու դեպքում սույն Պայմանագիրը համարվում է լուծված, իսկ Պատվիրատուի գործողությունները համարվում են պայմանագրային պարտավորություններից հրաժարում:

3.4. Սույն Պայմանագրի յուրաքանչյուր կողմ Պայմանագրով սահմանված իր պարտավորությունները կատարելուց հրաժարվելու դեպքում, պարտավոր է սույն Պայմանագրի 3.1. կետով սահմանված գնի 10%-ը վճարել մյուս կողմին՝ Պայմանագրով սահմանված իր պարտավորությունները կատարելուց հրաժարվելուն հաջորդող երեք օրվա ընթացքում:

**IV. ԱՆՀԱՆՊԱՏԱԿՐԵԼԻ ՈՒՑԻ ԱԶԴԵՑՈՒԹՅՈՒՆԸ (ՖՈՐՍ-ՄԱՃՈՐ)**

4.1. Սույն Պայմանագրով պարտավորություններն ամբողջությամբ կամ մասնակիորեն չկատարելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը և այլն, որոնք անհնար են դարձնում սույն Պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

**V. ՎԵՃԵՐԻ ԼՈՒԾՄԱՆ ԿԱՐԳԸ**

5.1. Սույն Պայմանագրի կապակցությամբ ծագած վեճերը լուծվում են բանակցությունների միջոցով՝ իսկ համաձայնություն ձեռք չբերելու դեպքում՝ դատական կարգով:

**VI. ԵԶՐԱՓԱԿԻՉ ԴՐՈՒՅԹՆԵՐ**

6.1. Սույն Պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր, ստորագրված և կնքված են կողմերի, կամ նրանց լիազոր ներկայացուցիչների կողմից: Սույն Պայմանագրի հավելվածները դրա անբաժանելի մասն են:

6.2. Սույն Պայմանագիրը կնքված է 2 (երկու) օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

**VII. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

ՊԱՏՎԻՐԱՏՈՒ	ԿԱՏԱՐՈՂ
<p align="center"><b>«Առողջապահության նախարարության Պերական առողջապահական գործակալություն»</b> (Կազմակերպության, ԱԶ-ի անվանումը, Ֆիզ. անձը՝ անձնագիր)</p> <p>Հասցեն՝ Երևան, Արաբկիր շրջանի Կոմիտասի պողոտայի 32</p> <p>ՀՎՀՀ՝ 00250/471</p> <p>Բանկ՝ Երևանի քաղաքի ԲՀԲ</p> <p>Հ/Հ՝ 00011018885</p> <p>Գլխ. քարտուսեր՝ ՄԱՐԻԱ ՄԱՐԻԱՄԻ Կ. Գրիգորյան (պաշտոն) (ստորագրություն, Կ.Տ) (անուն, ազգանուն)</p>	<p align="center"><b>«Տեխնիկական անվտանգության փորձագիտական կենտրոն» ՍՊԸ</b></p> <p>Հասցեն՝ ք. Երևան, Արաբկիր վարչական շրջան Կիկյան 1 շենք 37</p> <p>ՀՎՀՀ՝ 00433549</p> <p>Բանկ՝ Երևանի քաղաքի ԲՀԲ</p> <p>Հ/Հ՝ 220599357979006 դրամային 08433549</p> <p>Տնօրեն՝ Ա. Շավոբյան (ստորագրություն, Կ.Տ)</p> <p>Email texnikakan.anvtangutyun@mail.ru հեռախոսահամար +374-93-44-43-45</p>